



With a **TRIBE**, you can
CREATE INTRIGUING EXPERIENCES.
The Business of Events brings **CHANGE**

INCENTIVISED PACKAGES

NEW NORMAL GUIDELINES

EKONOMI

Maybank Asset Management perkukuh penawaran ESG melalui global environment fund



22/08/2022 01:22 PM

KUALA LUMPUR, 22 Ogos (Bernama) -- Maybank Asset Management Sdn Bhd memperluas penawaran produk Alam Sekitar, Sosial dan Tadbir Urus (ESG) dengan pelancaran MAMG Global Environment Fund, sebuah dana Pelaburan Mampan dan Bertanggungjawab (SRI) yang diperakui.

Ketua Pegawai Eksekutif Ahmed Muzni Mohamed berkata Maybank Asset Management telah menjalin kerjasama dengan rakan-rakan yang sama kecenderungan di peringkat serantau dan global, bertujuan memperluas dan mengukuhkan kepentingan melabur ke arah kemampanan.

"Para pelabur kami kini mempunyai lebih kesedaran dan minat dalam dana berkaitan ESG yang memberi tumpuan kepada pengurangan sisa, pemuliharaan atau penjagaan alam sekitar serta penggunaan inovasi dan teknologi untuk menyediakan penyelesaian yang mampan," katanya dalam kenyataan hari ini.

Dana ini melabur dalam Dana BNP Paribas Global Environment (Dana Sasaran), yang memberi tumpuan kepada industri tenaga baharu, makanan mampan, air, ekonomi kitaran, alam sekitar pintar, pengangkutan yang bersih dan cekap.

Bagi memastikan matlamat pelaburannya tercapai, sekurang-kurangnya 90 peratus daripada nilai aset bersih (NAV) dana ini akan dilabur dalam Dana Sasaran dan maksimum 10 peratus daripada NAV dalam bentuk aset cair, bertujuan menghasilkan pulangan jangka panjang.

Dana ini sesuai untuk pelabur sofistikated yang ingin melabur dalam peringkat sederhana dan jangka panjang serta sanggup menghadapi risiko yang dikaitkan dengan pelaburan dalam Dana Sasaran, termasuk risiko melabur di peringkat global.





Mata wang asas dana ini adalah berasaskan dolar AS. Dana ini ditawarkan dalam lima kelas mata wang, iaitu Kelas MYR, Kelas Lindung Nilai MYR, Kelas Dolar AS, Kelas Lindung Nilai AUD dan Kelas Lindung Nilai SGD.

Amaun pelaburan minimum adalah US\$1,000 untuk semua kelas mata wang yang disenaraikan.

-- BERNAMA

Bernama menyediakan sumber terkini maklumat berita sahih dan komprehensif kepada umum dan agensi media. Berita kami dipaparkan di laman web www.bernama.com ; siaran BERNAMA TV: Saluran Astro 502, Saluran unifi TV 631, Saluran MYTV 121 IFLIX; dan siaran Bernama Radio di frekuensi FM93.9 bagi Lembah Klang, Johor (FM107.5), Kota Kinabalu (FM107.9) and Kuching (FM100.9).

Ikuti kami di media sosial :

Facebook : [@bernamaofficial](#), [@bernamatv](#), [@bernamaradio](#)

Twitter : [@bernama.com](#), [@BernamaTV](#), [@bernamaradio](#)

Instagram : [@bernamaofficial](#), [@bernamatvofficial](#), [@bernamaradioofficial](#)

TikTok : [@bernamaofficial](#)



Berita Berkaitan

Malaysia terus pacu pertumbuhan dalam kewangan Islam Global - S&P Global Rating

S&P Global
Ratings

Public Bank, Gamuda Land meterai MoU tawar pakej pembiayaan mampan istimewa